

SCRIPT OF EVENING GOJRI NEWS BULLETIN 19FEB 2025

1700HRS

اوننگ گوجری نیوز بولیٹن 19 فروری 2025

یوہ آکاشوانی جموں بے نصرت تے محمد اکرم تیں خبر سُنو۔

۱۔ وزیر اعلیٰ عمر عبداللہ نے کہیو جے جموں کشمیر سیاحت تے سرمایہ کاری گی بڑی منازل
غا طور ور واپسی کر رہی ہے۔

۲۔ وزیر اعلیٰ نے جموں کشمیر مانہ پانی غا انتظام تے تحفظ مانہ اجتماعی کوششاں ور
زوت دتو ہے۔

۳۔ بھارت نے پاکستان نانہ دبشت گردی گو عالمی مرکز کرار دتو تے اقوام متحدہ مانہ جموں
کشمیر گی جمہوریت گی مچال دتی۔

۴۔ کھیڈ غا وزیر ستیش شرما نے کہیو کہ سرکار جموں کشمیر نانہ کھیڈاں غو مرکز بنان
واسطے پر عزم ہے۔

۵۔ محکمہ موسمیات نے آن آلا ۴۲ گھنٹہ گے دوران جموں کشمیر مانہ ہلکی تیں درمیانہ
درجہ غی بارش تے برف باری غی پیشن گوئی کی ہے۔

CM TOURISM

وزیر اعلیٰ عمر عبداللہ نے کہیو جے جموں کشمیر سیاحت تے سرمایہ کاری خاطر بھارت غا
سب تیں مطلوب مقامات بچوں ایک غا طور ور مضبوط واپسی کر رہیو ہے۔ انہاں نے یاہ گل
دلی یشو بھومی مانہ ستے نمائش غا افتتاح کا موقع ور کہی۔ وزیر اعلیٰ نے اجتماع سنگ
خطاب کرتا وان جموں گا مندران سمیت علاقہ گی پیشکشاں تے کشمیر گی شاندار خوبسارتی
ور وی لو کہلی۔ وزیر اعلیٰ نے اس گل ور زور دتو کہ مذکورہ خطو نہ صرف گزریہ ویلا گی
مشکلاں توں نکل رہیو ہے نلکہ اپنی فروغ پزیر سیاحت غا شعبہ مانہ مزید سرمایہ کاری
نانہ راغب کرن واسطے وی سرگرم عمل ہے۔ تے عالمی نقشہ ور اپنو مقام یقینی بنا رہیو
ہے۔ زرائع ابلاغ سنگ گل کرتا وان وزیر اعلیٰ نے اس طرح کہیو۔

CM WATER CONSERVATION

وزیر اعلیٰ عمر عبداللہ نے جموں کشمیر مانہ پانی غا انتظام تے تحفظ واسطے متا معال
نقطہ نظر تے اجتماعی کوششاں ور زور دتو ہے وزیر اعلیٰ نے ایک سماجی میڈیا پیغام مانہ
کہیو جے جموں کشمیر اس سال بارش گی بڑا پیمانہ ور کمی گی وجہ سنگ پانی غا بہران تیں
دوچار ہے۔ اس سلسلہ مانہ سرکار نانہ زیادہ فعال انداز اپنانو وے غو۔ لیکن یوہ صرف
حکومتی نقطہ نظر نہیں ہو سکتو۔ تے وزیر اعلیٰ نے جموں کشمیر غا لوکاں ور زور دتو کہ وہ
پانی غا استعمال غا طریقہ بدلیں تے کہٹوں کہٹ استعمال کریں انہاں نے جل شکتی مہکمہ گے
سنگ اقدامات گو جائیزو لین تے اجتماعی حل تلاش کرن واسطے عوام گے سنگ مشغول
ہون گا منصوبا گو وی زکر کیو ہے۔

INDIA PAK TERRORISM

بھارت نے اقوام متحدہ مانہ پاکستان ور دبشت گردی غی حمایت کرن غو الزام لایو ہے بھارت
گا نمائیندہ پروت نینی بریش نے پاکستان غا نانیب وزیر اعظم اشاق ڈار نانہ جواب دیتا وان

کہیو کہ پاکستان سرحد پار حملات مانہ ملوث ہے تے ۰۲ تیں زیادہ اقوام متحدہ غی فہرست مانہ شامل دہشت گرداں غی تنظیمیں مانہ پناہ دے رہی ہے۔ کشمیر ور گل کرتا واں انہاں نے کہیو کہ پاکستان غیر قانونی طور ور جموں کشمیر غا کجھ حصاں ور قابض ہے جدکہ بھارت غے زیر انتظام کشمیر مانہ جمہوریت مضبوط ہے۔ جس گو ثبوت پچھلا انتخابات مانہ بڑی تعداد مانہ ووٹنگ ہے۔ بریش نے پاکستان ور جھوٹی معلومات پھیلان غی مہیم غی وی مزمت کی تے کہیو اس طرح غی گلاں نال سچائی نہیں بدلتی۔

BADHAAL LAST BATCH

بڈھال گراں مانہ مشکوک اموات تیں بعد ایک اہم پیش رفت ہوئی ہے راجوری ضلع مانہ علیحدگی مرکز مانہ رکھیا گیا آخری ۳۱ دہائیاں نانہ اُن غا گھراں مانہ واپس پھیج دتو گیو ہے بڈھال گراں مانہ ۷ دسمبر تیں ۹۱ جنوری غے درمیان ۳ خانداناں غا ۷۱ افراد جن مانہ ۳۱ بچاں شاملتھا مشکوک حالات مانہ جاں بحق ہوگیا۔ اجین تک موت غی اصل وجہ معلوم نہیں ہوئی ہے۔ لیکن حکام نانہ گمان ہے کہ کھان غی چیراں مانہ نیرو تاکسن یعنی زہریلو مواد ہوسکے۔ جی ایم سی راجوری غا پرنسپل ڈاکٹر اے ایس باٹھ نے آکاشوانی سنگ گل کرتا واں تصدیق کیو کہ تمام ۰۵ رباتیاں نانہ ان گا گھراں مانہ واپس پھیج دتو گیو ہے انہاں نے مزید کہیو۔

SARAS AAJEEVIKA MELA

تیجو شمارو سرس اجیو کا میلہ جہیڑو جموں کشمیر دیہی روز گار مشن غے زیر اہتمام ہے پلک تیں کلا کیندر جموں مانہ شروع ہو رہیو ہے۔ یوہ دس دناں ور مشتمل میلو مارچ غی پہلی تاریخ تک جاری رہے گا۔ اس غو مقصد بھارت غا بھرپور ہنر فن دستکاری تے روایت غو جشن منانو ہے خاص طور ور دیہی علاقہ غی خواتین کاریگراں نانہ باختیار بناتو ہے۔ میلہ مانہ ۷۱ ریاستاں تیں ۰۷ نمائیشاں آلا کھوکھا لایا جیں غا۔ جت ہتھاں تیں بنی وی مصنوعات علاقائی لڑیز کھان غی اشیاء تے براہ راست دستکاری غو مظاہرو دیکھن نانہ ملے گویاہ میلو دیہی خواتین کاروباریاں نانہ اپنی مصنوعات صارفین نانہ بیچن غو مقعو فراہم کرے جس تیں ان غی آمدنی مانہ اصفو وے گومیلہ مانہ داخلو مفت وے غو تے روزانہ سویرے ۰۱ بجے تے رات ۸ بجے توڑی یوہ میلو کھلو رہے گا۔

SATISH SPORTS

کھیڈاں گا وزیر ستیش شرما نے کہیو کہ حکومت غی پہلی ترجیح کھیڈاں نانہ فروغ دینو ہے تے آئندہ براں مانہ جموں کشمیر نانہ کھیڈاں غو مرکز بنان غو عزم رکھے۔ انہاں نے زور دیتا واں کہیو کہ اس علاقہ مانہ بے پناہ صلاحیت ہے جس غی رہنمائی کرے بین القوامی سطح ور اُس نانہ چمکن گو موقعو دتو جاسکے۔ شرما نے مزید کہیو کہ کھیڈ نوجواناں نانہ اچھی طرح تیں راغب کرن غو بہترین ذریعو ہے تے والدین نانہ چاہیے جے اپنا بچاں نانہ کھیڈاں مانہ حسو لین غی ترغیب دیں تانجے وے زہنی تے جسمانی طور ور مضبوط بن سکیں اس موقع ور وزیر ستیش شرما نے اس طرح کہیو۔

DODA SPORTS STADIUM

ضلع ڈوڈھ غا کھید میدان مانہ تازین و آرائش تے بہتری کو کام تیزی سنگ چل رہیو ہے۔ کیو نجے کھیڈاں گا بنیادی ڈھانچہ نانہ بہتر بنان غی کوشش کی جارہی ہیں جس کی تخمینو

لاگت ۰۷ اشاریہ ۸۸ لکھ ہے اس منصوبہ مانہہ ایک نویں کھیٹ غو میدان کی تعمیر بیسن گی جگہ تیں علاوہ بکھ بکھ بہتری شامل ہے۔ ڈپٹی کمشنر ہرویندر سنگھ نے دسیو جے پنچانیت گرانٹس سکیم کے تحت دیہی علاقہ مانہہ کھیٹ گا میدان کی تعمیر گو ۰۸ فی صد کام مکمل ہو گیو ہے ان کوششاں گو مقصد کھیٹاں کی بہتر سہولیات فراہم کرنو تے مقامی کھیٹاں نانہہ اپنی صلاحیت غا اظہار گو موقعو پیدا کرنو ہے۔ آکاشوانی غا خبراں آلا شعبہ سنگ گل بات کرتا واں ڈی سی ڈوڈہ ہرویندر سنگھ نے اس طرح کہیو۔

UMEED RAMBAN

رام بن ضلع غا دور دراز علاقہ سنگلدان غی بہت ساری بے روزگار خواتین نے اپنی محنت تے حوصلہ غی وجہ تیں خود مختار بن گے اپنو کاروبار شروع کیو ہے۔ یاہ تبدیلی امید سکیم غے تحت ممکن ہوئی ہے جھپڑی ریاستی دیہی روزگار مشن گو حصو ہے تے خواتیناں نانہہ مالی مدد فراہم کرے۔ ان خواتیناں نے نہ صرف اپنی زندگی بدل دی بلکہ مقامی معشیت مانہہ وی اہم کردار ادا کیو ہے۔ جھپڑی دیہی علاقہ جموں کشمیر مانہہ حوصلہ تے کود مختاری غی شاندار مچال ہے اپنی کہانی سانجہ کرتا واں ایک فائدہ مند خواتین نے اس طرح کہیو۔

PM MKB

وزیر اعظم نریندر مودی ۳۲ فروری ناں آکاشوانی ور من غی بات پروگرام مانہہ ملک تے بیرون ملک رہ رہیا لوکاں سنگ اپنا خیالات سانجہ کریں گایاہ مہینہ وار ریڈیو پروگرام غی ۱ سو ۹۱ ویں قسط وے گی، لوک مزکورہ پروگرام واسطے اپنا خیالات تے تجاویز تول فری نمبر ۰۰۸۷۱۱۰۰۸۱ ور جمع کراسکیں اس تیں علاوہ نریندر مودی ایپ یا مائی گوو اوپن فورم گے زریعے اپنی تجاویز وی سانجی کراسکیں۔ مزکورہ پروگرام واسطے تجاویز اس مہینہ گی ۱۲ تاریخ تک قبول کی جائنگی یوہ پروگرام آکاشوانی تے دور درشن غا پورا نیٹ ورک اے آئی آر خبراں کی ویب سائیٹ تے نیوز آن اے آئی آر موبائل ایپ ور وی نشر کیو جے گو۔ اس تیں علاوہ مزکورہ پروگرام اے آئی آر نیوز ڈی دی نیوز وزیر اعظم گا دفتر تے وزارت اطلاعات ونشریات غا یو ٹیوب چینلاں ور وی مجازی طور چلايو جائے گو۔ آکاشوانی اس پروگرام نانہہ بندی نشریاتی تیں ٹھیک بعد علاقائی زبانان مانہہ نشر کرے گو۔

WEATHER

محکمہ موسمیات نے آن آلا ۴۲ گھنٹہ گے دوران جموں کشمیر مانہہ ہلکی تے درمیانہ درجہ گی بارش تے برفباری کی پیش گوئی کی ہے۔ اج شام تک موسم ابرآلود رہن گی توقع ہے اج رات تیں ۰۲ فروری توڑی بارش تے برف باری گو امکان ہے جموں خطہ غا اوچا علاقہ مانہہ درمیانی تیں پاری برف باری ہوسکے۔ یاہ موسمی تبدیلی جموں خطہ وادی چناب تے جنوبی کشمیر غا اونچا علاقہ نانہہ متاثر کرے گی۔ یاد رہ جے جموں غا میدانی علاقہ مانہہ کُجھ ایک مقامات ور ہلکی بارش گرج چمک تے تیز ہوا وی چل سکے۔
